

## 31 декабря, Мч. Севасти́ан Медиоланский и дружина его

### Утренняя

#### «Бог Господь»

**Диакон:** Бог Господь, и явися нам, благословен Грядый во имя Господне.

**Стих 1:** Исповедайтесь Господеви, яко Благ, яко в век милость Его.

**Глас 4:** Бог Господь, и явися нам, благословен Грядый во имя Господне.

**Стих 2:** Обышедше обыдоша мя, и именем Господним противляхся им.

**Лик:** Бог Господь, и явися нам, благословен Грядый во имя Господне.

**Стих 3:** Не умру, но жив буду, и повею дела Господня.

**Лик:** Бог Господь, и явися нам, благословен Грядый во имя Господне.

**Стих 4:** Камень, Егже небрегоша зждушии, Сей бысть во главу угла, от Господа бысть Сей, и есть дивен во очесех наших.

**Лик:** Бог Господь, и явися нам, благословен Грядый во имя Господне.

#### Тропарь свт. Амвросия, епископа Медиоланскаго

**Глас 4:** Мученицы Твои, Господи, / во страданиях своих венцы прияша нетленные от Тебе, Бога нашего, / имуще бо крепость Твою, / мучителей низложиша, / сокрушиша и демонов немощныя дерзости, / тех молитвами // спаси души наша. *(Дважды)*

Слава Отцу, и Сыну, и Святому Духу, и ныне, и присно, и во веки веков. Аминь.

**Крестобогородичен, глас 4:** Дево Пренепорочная, Мати Христа Бога, / оружие пройде Твою пресвятую душу, / егда распинаема виде-ла еси волею Сына и Бога Твоего, / Егже, Благословенная, молящи не престай // прощение прегрешений нам даровати.

#### Канон

**Песнь 1**

Канон Креста́ (в среду́ утра). Глас 4. На 3.

**Ирмос, глас 4:** Моря́ чермную́ пучину́/ невла́жными стопа́ми/ дре́в-  
ний пешешествовав Изра́иль,/ крестообра́зными Моисе́овыма ру-  
ка́ма// Амалікову́ сілу в пусты́ни победилъ есть.

**Песнь 3**

Канон Креста́ (в среду́ утра). Глас 4. На 3.

**Ирмос, глас 4:** Веселітся о Тебѣ́ Цѣрковь Твоя́, Христѣ́, зову́щи:/  
Ты́ моя́ крѣпость, Го́споди,// и прибѣжище и утвержде́ние.

**Катавасия**

**Ирмос, глас 1:** Еди́не, ве́дый челове́ческаго существа́ не́мощь/ и  
ми́лостивно в не вообра́жся,/ препоя́ши мя с высоты́ сілою,/ е́же  
вопи́ти Тебѣ́, Святы́й,// одушевлѣ́нный хра́ме неизрече́нныя сла́вы  
Твоея́, Человеколю́бче.

**Песнь 4**

Канон Креста́ (в среду́ утра). Глас 4. На 3.

**Ирмос, глас 4:** Вознесѣ́на Тя́ ви́девши Цѣрковь на Крестѣ́,/ Со́лнце  
Пра́ведное,/ ста́ в чине́ своѣ́м,/ досто́йно взыва́ющи:// сла́ва сі́ле  
Твое́й, Го́споди.

**Песнь 5**

Канон Креста́ (в среду́ утра). Глас 4. На 3.

**Ирмос, глас 4:** Ты, Го́споди, мой Свет,/ в мир пришѣ́л еси́,/ Свет  
Святы́й, обраща́яй из мра́чна неведе́ния// ве́рою воспева́ющия Тя.

**Песнь 6**

Канон Креста́ (в среду́ утра). Глас 4. На 3.

***Ирмос, глас 4:*** Пожру́ Ти со гла́сом хвалéния, Гóсподи,/ Цéрковь  
вопиéт Ти,/ от бесóвския крóве очи́щшися/ ра́ди мíлости от ребр  
Твои́х// истéкшею Крóвию.

**Катавасия**

***Ирмос, глас 1:*** Обы́де нас послéдняя бéздна,/ несть избавля́йй,/  
вмени́хомся, я́ко óвцы заколéния,/ спаси́ лю́ди Твоя́, Бóже наш,//  
Ты бо крéпость немощствúющих и исправлéние.

**Песнь 7**

Канóн Крестá (в срéду úтра). Глас 4. На 3.

***Ирмос, глас 4:*** В пещи́ авраáмстии óтроцы персидстей,/ любóвию  
благочéстия пáче,/ нéжели пла́менем, опаля́еми, взыва́ху:// благо-  
словéн еси́ в хра́ме сла́вы Твоея́, Гóсподи.

**Песнь 8**

Канóн Крестá (в срéду úтра). Глас 4. На 3.

***Ирмос, глас 4:*** Ру́це распростéр, Дании́л/ львов зия́ния в рóве  
затчé;/ óгненную же си́лу угаси́ша,/ добродéтелию препоя́савшеся,/  
благочéстия рачи́тели, óтроцы, взыва́юще:// благослови́те, вся де-  
ла́ Госпóдня, Гóспода.

**Катавасия**

***Ирмос, глас 1:*** В пещи́ óтроцы Изра́илевы,/ я́коже в горни́ле,/ до-  
бро́тою благочéстия чистéе злáта блещáхуся, глагóлюще:/ благо-  
слови́те, вся дела́ Госпóдня, Гóспода,// по́йте и превозноси́те во вся  
вéки.

**Песнь 9**

31 декабря, Мч. Севасти́ан Медиоланский и дружина его

Кано́н Креста́ (в сре́ду утра). Глас 4. На 3.

**Ирмос, глас 4:** Ка́мень неруко́сечный/ от несекóмыя горы́, Тебе́,  
Де́во,/ краеуго́льный отсече́ся,/ Христо́с, совокупíвый разстоя́ща-  
я естества́.// Тем, веселя́щаяся, Тя, Богоро́дице, велича́ем.

**Катавасия**

**Ирмос, глас 1:** О́браз чи́стаго рожде́ства Твоего́/ огнепали́мая купина́ показа́ неопáльная;/ и ны́не на нас напа́стей свирéпеющую угаси́ти, мо́лимся, пещь,/ да Тя, Богоро́дице,// непреста́нно велича́ем.

**Стихиры на стиховне**

Глас 4, среда на 3

**Канонарх:** Глас 4, Стена́ бу́ди на́м Крест Тво́й, Иису́се Спа́се на́ш:  
Стена́ бу́ди на́м Крест Тво́й, Иису́се Спа́се на́ш:/ ино́го бо упо-  
ва́ния ве́рнии же има́мы,/ то́чию Тебе́ на нём плóтию пригво́жд-  
шагося,// и подаю́ща на́м ве́лию ми́лость.

**Стих:** Исполнихомся заутра милости Твоя Господи, и возрадовахомся, и возвеселихомся: во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, /  
**и настави сыны их.**

Да́л еси́ зна́мение боя́щимся Тебе́, Го́споди,/ Крест Тво́й Че́стный,/ и́мже посра́мил еси́ нача́ла тьмы́ и вла́сти,/ и возвёл еси́ на́с на пе́рвое блаже́нство./ Те́мже Твое́ Человеколю́бное смотре́ние сла́вим,// Иису́се всеси́льне, спа́се ду́ш на́ших.

**Стих:** И буди светлость Господа Бога нашего на нас, и дела рук наших исправи на нас, /  
**и дело рук наших исправи.**

**31 декабря, Мч. Севасти́ан Медиоланский и дружина его**

**Ка́ко ва́шим не удиви́мся подвиго́м, святы́и му́ченицы,/ я́ко те́лом умира́ющим обложéни,/ безплóтныя враги́ победи́сте?/ Не устраши́ша ва́с мучи́тельская прещéния,/ не ужаси́ша ва́с му́к приложéния:/ вои́стинну достóйно от Христа́ просла́вистесь,// и душáм нáшим проси́те вéлия мiлости.**

***Слава, и ныне, глас тойже.*** Сла́ва Отцú, и Сы́ну, и Свято́му Дúху, и ны́не, и прiсно, и во вéки векóв. Амiнь.

**Умерщвля́ема ви́дящи Христа́,/ Пречи́стая Влады́чица,/ умерщвля́юща льсти́ваго,/ восклицáше гóрце взыва́ющи,/ из утробы́ Той произше́дшему,/ и долготерпéнию Его́ чудя́щихся взыва́ше:/ Чадо́ Моё́ Любéзнейшее,/ не забúди рабу́ Твою́,// не зако́снi, Человеколю́бче, моё́ утешéние.**

### **Тропари в конец Утрени**

***Тропарь мч. Севасти́ан Медиоланский и дружина его, глас 4.***

**Му́ченицы Твои́, Го́споди,/ во страда́ниях свои́х венцы́ при́яша негленны́я от Тебе́, Бо́га нáшего,/ имúще бо крéпость Твою́,/ мучи́телей низложи́ша,/ сокруши́ша и дéмонов немощны́я дёрзости,/ тех моли́твами// спаси́ дúши нáша.**

**Сла́ва Отцú, и Сы́ну, и Свято́му Дúху, и ны́не, и прiсно, и во вéки векóв. Амiнь.**

**Тя велича́ем, Богороди́це, вопи́юще:/ Ты еси́ гора́, от нея́же неизгла́боланно отсече́ся Ка́мень// и врата́ áдова сокруши́.**

### **1-й час**

#### **Тропарь**

***мч. Севасти́ан Медиоланский и дружина его, глас 4***

## **31 декабря, Мч. Севасти́ан Медиоланский и дружина его**

**Мученицы Твои́, Го́споди,/ во страда́ниях свои́х венцы́ прия́ша нетле́нныя от Тебе́, Бо́га на́шего,/ иму́ще бо кре́пость Твою́,/ мучи́телей низложи́ша,/ сокруши́ша и де́монов немощны́я де́рзости,/ тех моли́твами/ спаси́ ду́ши на́ша.**

### **Кондак**

**мч. Севасти́ан Медиоланский и дружина его, глас 8:**

**Свети́льницы све́тлии явльшеся, Божество́ннии мученицы, тва́рь всю́ све́тлостию чуде́с озаря́ете, недуги́ разреша́юще, и глубо́кую тьму́ всегда́ отгоня́юще, Христу́ Бо́гу моля́щеся непреста́нно о все́х на́с.**